

MISSION EN MARAGNAN.

Handwritten: *1815*

Handwritten: *copy
of*



John Carter Brown
Library
Brown University

Charles d'Herville
Sec. L. S.

100

LES FRUITS ¹⁸
DE LA
MISSION
DES REVERENDS
Peres Capucins en l'Isle de
Maragnan.

Comment la Croix fut plantée, & la terre be-
niste, dequoy s'est ensuiuy la Conuersion
de plusieurs Indiens Sauvages Topi-
namba, qui ont receu le Baptisme
par lesdits RR. PP. Capucins.



A LILLE,
De l'Imprimerie de CHRISTOPHE BEYS,
Imprimeur & Libraire, demeurant Rue
de nostre Dame, au Lis blanc, 1614.

Avec approbation.


*Les p^{res} Capucins ont esté de
Paris 28^e d'oct 1611
et de Caen 19^e d'oct 1612.*

LES FRUITS
DE LA
MISSION
DES REVERENDS
Pères Capucins en l'île de
Seychelles.

Comment ils ont été établis & la tempe-
rature de l'île de la Réunion
de l'île de la Réunion de la Réunion
de l'île de la Réunion de la Réunion
de l'île de la Réunion de la Réunion.



A LIRE
Bibliothèque de la Compagnie des Capucins
de la Réunion de la Réunion de la Réunion
de la Réunion de la Réunion de la Réunion
de la Réunion de la Réunion de la Réunion.



LES FRUITS DE LA MISSION DES RR^{ds}. PERES.

Capucins en l'Isle de Maragnan.



N Capitaine François nommé Riffaut ayant esquipé quelques nauires pour aller au Bresil, fut contrainct par l'eschoüement de son principal vaisseau, de s'en retourner en France, mais d'autant que le vaisseau n'estoit suffisant pour contenir le nombre des François qu'il auoit la menez, il fut contrainct d'y en laisser vne bonne partie. Entre lesquels estoit vn ieune Gentilhomme, nommé Monsieur des Vaux, lequel avec d'autres François, s'accompagnans avec quelques Indiens, marcha si vaieusement en guerre contre d'autres Indiens, qu'il y conquist plusieurs victoires, se faconnant tousiours aux mœurs & coustumes du pays, & se rendant facile l'usage de leur langue: finalement apres s'estre genereusement comporté en diuerses & perilleuses rencontres, & faict vn long séjour audit pais, apres auoir reconnu la beauté, & les delices de ceste terre, la fertilité & fecondité d'icelle, en ce que l'homme scauroit desirer, tant pour le contentement & recreation du corps humain, à cause de la temperie de l'air, & de l'amœnité du lieu, que pour l'acquisition de tout plein de richesses qui avec le tēps en pourroient reuenir à la France. Outre la promesse que ces Indiens luy firent de receuoir le Christianisme, ils accepterent aussi dudit des-Vaux l'offre qu'il leur fit de leur enuoyer de France quelque personnage de qualité pour les maintenir & deffendre de tous leurs ennemis, iugeans l'humeur François plus sortable à la leur,

qu'aucune autre pour la douceur de leur conuersation.

Ce que voyant le fufdit fieur, il fe delibera de reuehir en France fur la bonne difpofitiō qu'il voyoit en ce peuple. Ou eftant heureufement arriué, il fit vne fidelle narration a la Majesté tres Chrestienne du Roy Henry le Grand, de tout le fuccez de fon voyage, & del'honneur que fa Maiesté s'acquerroit à l'entreprife de ce negoce, outre le proffit & vtilité que la France en deuoit vn iour retirer, & de la glorieufe couronne qui infailliblement luy deuoit arriuer du ciel pour le gain de tant d'ames, lesquelles se iettoient entre fes bras, avec intention d'espouser la creance du vray Dieu.

Ce qu'entendant fa Maiesté avec vn grandiffime contentement, & d'autre part doutant de la verité de ce discours pour les merueilles qu'il luy difoit de ce pays, elle commanda au fieur de Rauardiere (ayant defia voyagé plusieurs fois en ces contrées, & prest d'y retourner) de mener avec luy ledit des-Vaux au Bresil & en l'Isle de Maragnā, pour voir si tout le biē qu'il luy faisoit croire y estre, y estoit en effect, le chargeant expressement de luy en faire à son retour vne fidelle relation, avec promesse d'entreprendre l'affaire à ses cousts & despens, au cas que le dire dudit des-Vaux fut trouué veritable.

Le fieur de la Rauardiere donc, execute le commandement du Roy, meine des-Vaux à Maragnā, ou apres auoir demeuré fix mois, tant en l'Isle que sur la terre ferme, & recogneu la verité du recit que des-Vaux auoit fait au Roy, y apprend de furplus vn moyen tres facile d'y establir vne belle colonie, ce qu'apres auoir recogneu, ils s'en reuindrent en Frāce pour informer sa Maiesté de la verité de l'affaire qu'elle desiroit embrasser. Mais la mort, comme ialouse des hautes entreprises de Princes & Monarques, auoit tranché le filet de la vie à ce Tres-Chrestien Roy, rompant par ce moyen le tres-heureux fuccez des saintes entreprises qu'il auoit desseigné, qui fut cause que ceste affaire fut differée iufque à l'année fuiuante, regnant en fa place son fils Louys 13 de ce nom, & la Royne Regente sa Mere.

5
Cependant le sieur de la Rauardiere songeant toujours à son affaire, & voyant qu'il n'auoit pas les reins assez forts pour l'entreprendre seul, il communique son dessein à Monsieur de Rasilly de qui il cognoissoit l'humeur, & le courage, Luy desirieux sur tout de la gloire de Dieu, du salut de ces ames sauuages, & de l'honneur de la France, qu'il voyoit deuoir reussir de cecy, entreprend ceste affaire avec peine & travaux infinis qu'il endura l'espace de quinze mois qu'il fut à la Cour, recherchant les moyens de faire son voyage. A quoy quelques gés de qualité contribuant du leur, Monsieur le Baron de Sanst entre autres se mit en tiers avec lesdits sieurs de Rasilly & de la Rauardiere.

Le sieur de Rasilly n'ayant point de plus puissant obiect qui le meust à ceste entreprise, que le pieux dessein d'y planter nostre foy, supplie humblement la Royne Regente luy donner à ces fins des Peres Capucins, comme gens qu'il auoit fort aymez de son enfance. La royne aussi grandement desirieuse de la conuersion de ces pauures sauuages, & de faire reussir l'entreprise du feu Roy son mary. Apres auoir estably lesdits Sieurs de Rasilly & de la Rauardiere pour ses Lieutenans generaux en ces contrées, condescendit librement à la petitiõ du sieur de Rasilly, trouuant bon qu'il prist de nos Peres, pour y planter la foy, à ce poussée non de son mouuement, mais plustost par inspiration de l'esprit Diuin, lequel (comme iadis sous la protection d'Emanuel second Roy de Portugal, il auoit enuoyé des freres Mineurs enfans de saint François és Indes Orientales, pour la conuersion d'icelles) a fait auourd'huy le semblable sous la Regence de Marie de Medicis, pour celles de l'Occident, inspirée du saint Esprit, se sentant en son ame doucement enclinée à l'eslite des enfans de ce glorieux Patriarche des Mineurs, ietta le sort dessus.

Aussi n'eust il pas semblé à propos que ce bien-heureux saint, qui seul par excellence auoit esté depositaire & heritier de la Croix & des plaies que le Sauueur du monde auoit receu en icelle, afin de les communi-

quer à ceux qui n'en auoient iamais ouy parler, ou pour le moins les auoient oubliez, s'en rendit tellement propriétaire, que par le moyen de ses enfans (heritiers de ce mesme heritage) il ne planta premier & deuant tous les autres ces signes glorieux dans l'host des ennemis. Il n'en est à blâmer, car il l'a fait aussi. Prenez la peine de lire les histoires, & vous verrez qu'il n'y a coing où l'Euangile ait esté presché depuis quatre cens ans, que ce n'ait esté des Religieux de saint François qui en ayent fait l'ouuerture aux despens de leurs vies.

Qui furent les premiers entre les infideles depuis ce temps là, sinon ces glorieux saints, S. Berard, S. Pierre S. Accurse, S. Adiute, & S. Otton, ayans esté la enuoyez par nostre Pere Seraphique saint François pour y planter la foy, ils y espendirent leur sang, & endurerent la mort pour l'amour de nostre Seigneur? N'y en eut il pas sept autres sçauoir est, saint Daniel, S. Ange, S. Samuel & leurs compagnons tous enfans de nostre Pere Seraphique, qui dès le viuant d'iceluy estans enuoyez entre les Sarrazins pour leur annoncer l'Euangile, ils furent cruellement traictez iusques à la mort, chacun d'iceux remportant la couronne d'un signalé & glorieux martyre? Qui est ce qui planta la Croix és Indes Orientales sinon des enfans de ce glorieux Patriarche, porte enseigne de la Croix? Je n'entends icy parler que de ceux qui ont esté les Coriphées & les premiers, & ie laisse à part tant de signalez champions de la milice du fils de Dieu nostre Seigneur, qui ont suiuis & si bie fait me suffisant pour le present d'admirer les faueurs particulieres que le Roy des Roys a fait à ce glorieux chef de nostre Ordre, & à plusieurs de ses enfans. Je puis dire vrayement de ce saint Patriarche, que, Il a esleué & planté ce triomphant estendard de la Croix parmy les nations du monde les plus esloignées.

Après qu'il la eu planté par ses enfans en Orient, voycy qu'il se presente encore pour faire le mesme en l'Occident par ses mesmes enfans.

La Royne toute ioyeuse d'une telle entreprise, pour

monſtrer le deſir & la ſaincte affection qu'elle en auoit
elle donna ſes eſtendarts & ſa deuſe. à ſesdits Lieute-
nans generaux, & commanda au Reuerend Pere Leo-
nard de Paris qui pour lors eſtoit Prouincial de ceſte
Prouince, de deputer quatre de nos Peres pour les y
enuoyer, ainſi que lon pourra voir par la lettre ſuiuan-
te que ſa Maieſté ſeit l'honneur de luy eſcrire.

Pere Leonard, Le ſieur de Raſilly Lieutenant general
pour le Roy Monſieur mon fils, aux Indes Occidentales,
m'a fait entendre l'eſperance qu'il y a d'introduire la
Foy Chreſtienne en ces pays là, & que pour y paruenir, il ſe-
roit à propos d'y enuoyer quelques Religieux de voſtre Ordre
pour y demeurer & vacquer autant qu'ils pourront à l'e-
ſtabliſſement de ladite foy Chreſtienne. C'eſt pourquoy ie
vous fais celle cy pour vous prier d'y enuoyer iuſques à qua-
tre deſdits Religieux, que vous en eſtimerez plus dignes &
capables. Ausquels vous ordonnerez de ſ'y acheminer avec
celuy qu'il vous enuoiara pour les receuoir & conduire.
M'aſſeurant que comme ils ſont perſonnes de grande ſuffi-
ſance, pieté, & deuotion, ils y feront auſſi beaucoup de
fruit, & augmenteront touſiours d'auantage à la gloire de
Dieu, la reputation de voſtre diſt Ordre. Et n'eſtant celle
cy pour autre ſubieſt, ie prie Dieu Pere Leonard, qu'il vous
ayt en ſa ſaincte garde. Eſcrit à Fontaine-beleau le xx. du
mois d'Auril mil ſix cents vnze. Signé, M^{ARIE}
Et plus bas, Phelypeaux.

Le Reuerend Pere Leonard ayant receu la lettre de
ſa Maieſté en fit faire la lecture le 13. iour d'Auril deuant
tous les Peres & freres de la prouince de Paris, pour
lors assemblez au Chapitre Prouincial, leſquels furent
tous d'aduis, auant que decider de ce negoce, on inuo-
queroit le ſainct Eſprit chantant vn Veni Creator, avec
quelques ſuffrages à cet effect ordonnant outre plus
des prieres generales tant en noſtre Conuent des Ca-
pucins de Paris, qu'au Monaftere des filles de la Paſſio
à ce qu'il pleuſt à noſtre Dieu prendre en main ceſte

affaire, eslisant de nos peres, ceux qu'il iugeroit capables pour l'entreprise d'icelle, surquoy il fut conclu d'un commun aduis que lon accepteroit ceste Mission avec le consentement du Tres-reuerend Pere, le Pere Hierosme de Castelferreti pour lors Ministre General de nostre Ordre, lequel ayant eu aduis de ce qui auoit esté arresté en nostre Chapitre Prouincial, confirma le tout commettant l'authorité au susdit Reuerend Pere Leonard, par vne lettre qu'il escriuit sur ce sujet, dont la teneur s'ensuit.

Reuerend Pere, Pour l'affaire de la mission en la nouvelle France, j'escris en mon autre qui vient ensemble avec celle cy tout ce que vostre paternité y lira. L'ay pensé pourtant de faire, comme ie fais, la presente à part pour satisfaire à vostre intention. Donc quant à enuoyer des Freres à la nouvelle France, ie donne à vostre paternité toute mon autorité. Elle pourra donc avec ma pleine authorité accommoder l'affaire come elle iugera estre plus à propos, soit quant au particulier des freres qu'il faut enuoyer, soit quant au particulier du nombre, soit quant au particulier d'en faire vn d'iceux superieur, & quant à tout le reste que l'affaire de la Mission pourra tirer apres soy. Voila tout ce que ie puis & dois faire pour ce qui m'appartient. Plaise à nostre Seigneur vous consoler tousiours. De Rome ce cinquiesme de Iuillet, mil six cents & vnze. De vostre Paternité Reuerende, Tres affectionné en nostre Seigneur, Frere Hierosme, General.

Veu le contenu de la susdicte, le Reuerend Pere prouincial avec les Peres procederent à l'eslection de quatre pour ceste Mission, sçauoir est le venerable P. Yves d'Eureux, pere Arsene de Paris, pere Ambroise d'Amiens, & moy (bien qu'indigne) a qui pour lors les superieurs pouuoient bien dire ces parolles des Apostres, Il a semblé bon au saint Esprit & à nous, de vous eslire pour l'execution du ministere de l'Euangile, puis que le bien-heureux saint Esprit auoit esté si amoureux.

ment inuocé.

Nous estans donc apres l'election susdite, prosterné tous quatre aux pieds du Reuerend Pere prouincial, & receu humblement sa benediction, partismes de Paris le 28. d'Aoust mil six cens & vnze, le iour de sainct Augustin pour nous acheminer à Cancale, qui est vn port de mer en Bretagne, ou se deuoit rendre tout l'equipage des sieurs Lieutenans generaux de sa Maiesté, pour faire voile à la premiere opportunité: la nous fumes contraincts sejourner quelques mois, tant pour laisser passer l'hyuer qui estoit proche, que pour attendre que ceux de nostre compagnie fussent assemblez, ioint que nos vaisseaux n'estoient encore bien equippez.

Cependant que se faisoient ces preparatifs, comme les hautes entreprises sont ordinairement agitées de plus grandes & dangereuses traueses, le Diable preuoiant la prochaine ruine de son royaume, & l'accroissement de celui de Iesus-Christ que sur tout il redoutoit ne manqua point de nous contrepointer, remuant à ces fins & le Ciel, & la terre, semant la mauuaise zizanie de la diuision dans le cœur des François pour faire perdre courage au sieur de Rasilly. Mais luy, qui (comme i'ay desia dit) n'auoit autre dessein que le seul honneur de Dieu, & le seruice de leurs Maiestez Tres-Christiennes d'un courage inuincible, & d'une ame vraiment noble, & genereuse, surmonta ces traueses qui l'auoient agité l'espace de six mois, nō sans la despence telle que vous pouuez croire que faisoit tout ce grand train, attendant tousiours que tout fust prest.

Le tout estant preparé & prest à faire voile. Monseigneur l'Euesque de sainct Malo se trāsporta audit port de Cancale dependant de son Diocese, pour y benir les estendars de France & nos vaisseaux aussi: Ou apres auoir faict vn sermon solennel le 25. iour de Ianuier, que l'Eglise solemnise la Conuersion de l'Apostre S. Paul, prenant subiect de la mesme conuersion pour nous parler de la cōuersion des pauures ames Indiennes, que nous entreprenions: Il benit quatre Croix avec grande solemnité, nous en mettant à chacū vne entre les mains

B

suivant en cela les ceremonies du Pontifical Romain: puis il benit les estendars de la France qui estoient portez par la noblesse de nostre equipage, & finalement les armes du sieur de Rasilly. Quant à la benediction des vaisseaux qui ia estoient à la Rade, le mauuais temps, avec autres certaines raisons ne luy permirent pas, nous en laissant la commission pour la faire de sa part, ainsi que nous fismes aussi. Toutes ces ceremonies estant acheuées, attendant le vent fauorable pour leuer les ancres, tous les Catholiques tant Gentilshommes, Soldats, que Matelots, se disposerent, auant que s'embarquer, à la Confession & Cômunion, pour par ce moyen rendre la Diuine clemence plus fauorable à leurs desseins, & aux nostres. Et cognoissans que la seule vniõ entre la compagnie seroit l'unique moyen pour le reussissement d'iceux, les principaux de la troupe trouuerent bon de faire la protestation & promesse suivante auant que de partir.

Nous soub. signez portans volontairement nos biens, & nos vies pour l'establissement de la Colonie Françoisse au delà de la ligne Equinoctiale pour le seruice du Roy, selon l'intention de sa Maïeste, & la promesse qui luy a esté faicte par nos chefs. Reconnoissans qu'il n'y a que l'obeissance deuë à nos Chefs, l'vniõ entre nous, & le bon gouuernement entre les Indiens, qui nous puisse faire paruenir à vne si louable & genereuse intention. Protestons de faire par ces trois actions essentielles de ceste entreprise tout ce qui dependra de nos courages, constances, obseruances des loix de Frãre, obeissance, fidelité, charité, & bonne intelligence, & generalement de tout ce qui est necessaire pour entretenir en paix & vniõ vne bonne societé, sous la charge de Messire Daniel de la Touche Cheuallier, Seigneur de la Rauardiere, & de Messire François de Rasilly aussi Cheualier, Seigneur dudit lieu, & des Armeselles, faisans solidairement tous deux pour haut & puissant Messire Nicolas de Hartay, Cheualier, Seigneur de Sancy, Barõ de Molle, & de Grosbois, Conseiller de sa Maïeste en ses Conseils d'Estat & Pri-

ué, Lieutenans generaux pour sa Maiesté aux Indes Occidentales, & terres du Bresil, que sadite Maiesté a ordonnez pour ladite entreprise tant par mer que par terre. En tesmoin dequoy nous auons signé de nos mains la presente. A Cancale ce premier de Mars mil six cents douze.

Le dixneuuesime de Mars dudit an, que l'Eglise celebrea la feste du bien-heureux saint Ioseph, espoux de la sacrée Mere de nostre Seigneur Iesus Christ, nous fismes voile sous la conduite de Dieu, de la Vierge sacrée, & de nostre Seraphique pere S. François, & partismes de la rade de Cancale à six heures & demie du matin, apres quelques canonades tirées, les trompettes sonants pour saluer le bourg, & dire à Dieu à tous nos amis qui estoient sur le bord de la mer pour voir partir la flotte de nos trois vaisseaux. Le premier desquels estoit l'Amiral, appelé le Regent, à cause de la Roynie Regente commandé par les Lieutenans de sa Maiesté. Le second estoit le Vice-Amiral appelé la Charlotte, commandé par Monsieur le Baron de Sancy. Le troisieme estoit la parache qui se nommoit sainte Anne, commandée par le Cheualier de Rasilly, frere du Sieur de Rasilly, Commenceans ainsi à voguer en mer avec vne ioye & allegresse n'empareille de toute la compagnie, chacun se prosterna à deux genoux inuoquant l'assistance du saint Esprit, & de la glorieuse Vierge Marie, & de nostre bon pere saint François, chantans le Benedictus Dominus Deus Israel, avec les suffrages & oraisons contenuës en l'Itineraire du Breuiare Rom.

Le diable enrageant de tout cecy, voyant qu'il auoit esté vaincu sur la terre n'ayant iamais sceu rompre ce courageux dessein, couche du tout sur la mer en peine de tout perdre, excitant des tempestes & orages si cruels & dangereux que de long temps on n'en auoit veu de semblables, si qu'un de nos vaisseaux fut contrainct se relascher à Falmue en Angleterre. Le second se voyant proche de sa perte, ietta deux de ses canons en mer, & bon nombre de coffres, & fut contrainct se retirer à Dartmuc. Nostre dernier qui estoit l'Amiral apres 3.

uoir esté tres cruellement tourmenté l'espace de neuf iours, fut contrainct de relascher à Plemue, autre port d'Angleterre. Les sieurs Lieutenans estans en peine des autres, & les tenās pour petdus, s'enquirēt des Anglois s'il n'y auoit pas quelques vaisseaux François arriuez en leurs haures, ils furent faits certains que l'un estoit à Dartmue, & l'autre à Falmue, auxquels ils donnerent aduis de nostre arriuée à Plemue: ou nous seiournasmes depuis le 27. de Mars iusques au 23. d'Auril, qui estoit le lendemain de Pasques, & partismes à sept heures du soir, ayant ce grand Dieu qui commande aux vents, & à la mer comme il luy plaist, voulu faire voir comme il fauorisoit nos desseins, nous seconda d'un temps si serain, & d'un vent si cōforme à nos desirs, que le mercredi des quatre temps d'apres la Pētecoste, qui estoit le 13. de Iuin, nous arriuasmes à deux heures apres midy sous l'Equateur, ou ligne Equinoctiale, laquelle estant esgalement distante des deux Poles, & des deux Tropiques, elle fait le milieu, & quasi comme l'eschine du monde. Chose vrayement bien agreable à voir.

Ayans passé la ligne, poursuivant nostre route, le iour du glorieux precurseur de Iesus Christ saint Iean Baptiste, mouillasmes l'ancre vis à vis de l'Isle de Fernand la Ronge, laquelle contient cinq ou six lieues de circuit, en ceste Isle nous trouuasmes pour habitans un Portugais avec dixsept ou dixhuiet Indiens, tant hommes, femmes, que petits enfans, tous esclaves & exilés dans ce lieu par ceux de Fernambourg, vne partie desquels furent baptisez, & deux mariez, apres auoir planté la Croix au milieu d'une Chapelle que nous disposasmes pour y celebrer la sainte Messe. Ces pauvres Indiens, & le Portugais ayants entendu nostre dessein, qui estoit d'aller planter la Foy en l'Isle de Maragnan, prièrent Monsieur de Rasilly de les mener avec luy, ce qui leur fut accordé. Ayant dōc demeuré quinze iours en ladite Isle, en sommes partiz un Dimanche 8. de Iuillet avec les susdits Indiens.

Finalement Dieu fauorisant nos desseins, nous fit arriuer le leudy 26. dudit mois, à l'Islette que les Indiens

appellent Vpaon Miry, distant 12. lieues de la grande Isle de Maragnan, laquelle n'est habitée de personne, nous fîmes faire vne belle & haute Croix pour y planter solennellement le Dimanche ensuiuant.

Cependant qu'on estoit empesché à faire ladite croix on trouua bon d'enuoyer vn Ambassade vers les Indiens, pour leur faire entendre nostre venue, & scauoir d'eux s'ils persueroient en la même volonté que par auant, de receuoir les François. Et fut à ce deputé le sieur des Vaux, lequel, y estant arriué fit assembler le Carbet, & conuoqua tous les principaux & anciens: Leur disant, Qu'il auoit donné à entendre à nostre très grand & tres-puissant Roy, l'affection que vous auez de le receuoir pour souuerain Monarque, & qu'il l'auoit asseuré que vous estiez disposez de receuoir le Christianisme, & vous faire baptizer, & qu'à cet effect il vous enuoyoit quatre Payetés, c'est à dire, quatre grands prophètes, pour commencer à vous instruire & catechiser, avec vn grand Bourouichâue, ainsi appellent ils le Roy, & ses Lieutenans, & nombre de soldats pour vous maintenir, que si vous persistez en vostre premiere deliberation, ie les vous iray querir promptement, sinon, & eux & moy nous en retournerons en France. A quoy ils respondirent, Nous sommes fort ioyeux de ton arriuée & de la leur, nous les attendions dez long temps, ainsi que tu auois promis de nous les amener. Et pource nous te supplions de faire venir les pay, & le Bourouichâue, dont tu nous parles, te promettant de les receuoir avec autant de tesmoignage de bien-veillance que de desir que nous auons de les voir, & obeir à leurs commandemens. Ce qu'ayant esté rapporté aux sieurs Lieutenans, il les supplia de s'acheminer en la grande Isle. Cependant qu'on faisoit ceste Ambassade, nous mîmes pied à terre le Dimanche 29. de Iuillet. Apres auoir fait l'eau beniste, on chanta le Veni Creator, sur la place ou la Croix auoit esté construite, & de la nous allâmes en procession iusques au lieu ou elle deuoit estre plantée, qui est vne petite colline distante enuiron mille pas du port: durant laquelle

nous chantions les Litanies de la Vierge. Le sieur de Rasilly & les principaux portoient la susdite Croix sur leurs espaules avec grande deuotion, leurs yeux baignez de larmes, accompagnez de ioye & d'allegresse nompareille. Si tost que nous fumes arriuez au lieu, on chanta le Te Denm, à la fin duquel la Croix fut beniste sollemnellement. L'Islette fut pareillement beniste, & nommée l'Islette sainte Anne, à cause que nous y estions arriuez le iour de sa feste & solemnité, & tost apres la Croix y fut plantée, en chantant l'hymne, Vexilla Regis. A la fin dequoy elle fut adorée de tous les Catholiques, avec autant de deuotion que nous auions de ioye, de voir les enseignes de Iesus Christ si glorieusement arborées dans ceste terre infidele. Cela fait, nous partismes de l'Islette sainte Anne le 5. d'Aoust, & le 6. iour que l'Eglise solemnise la Transfiguration de nostre Sauueur Iesus Christ, arrivâmes en la grande Isle de Maragnan, habitée des Indiens sauvages Topinamba, où à nostre arriuée quitâmes nos habits de gros drap, pour prendre ceux de sarge grize qu'auions apportez de France, à cause des grandes chaleurs, il n'y auoit autre difference, sinon qu'ils estoient de plus legere estoffe. Le sieur du manoir de Geurée enuoya quelques siens domestiques dans nostre barque pour nous saluer de sa part, & nous enuoya du pain, vin, & viande en quantité: nombre d'Indiens aussi, ne pouuâs attendre nostre descente, d'une curiosité deuotè se mirent dâs leurs bateaux sur la mer pour nous venir saluer. Le sieur de Rasilly étant arriué à Geurée nous enuoya querir. Estans dōc tous quatre reuestus de surplis blâcs portans nos bastons à la main avec des Croix & Crucifix au dessus, nous descendîmes de nostre barque: le sieur de Rasilly estoit debout sur le bord de la mer, avec le sieur du manoir qui nous attendoient, accompagnez de bon nombre de François, & grande multitude d'Indiens & sauvages, entre lesquels y en auoit, qui pour nous preuenir de caresses, se ietterent à nage dedans la mer pour venir au deuant de nous. Mettans le pied en terre le sieur de Rasilly se prosterna à genoux avec les

François, & apres nous estre saluez, i'entonnay le Te Deum, allans en procession avec la compagnie Françoise & grande troupe d'Indiens: le Te Deum acheué & autres deuotions, nous nous retirasmes tous quatre avec le sieur de Rasilly chez le sieur du manoir, qui nous fit vn festin, ou les principaux nous vindrent saluer à leur mode, avec tesmoignage de grande bienveillance. Ceux qui ne pouuoient entrer regardoient attentiuement au trauers des bois dont la loge estoit bastie. Cependant on defricha vne belle place sur le haut d'une petite colline, coupant tous les bois des enuironns pour la rendre vnie, pour y tendre vn pauillon, & y dresser au dessous vn autel portatif que nous auions. Le Dimanche suiuant 12. d'Aougt, chacun de nous quatre celebra le tres saint sacrifice de la Messe en ce lieu, avec tel contentement, que i'ayme mieux le vous laisser à penser, que le descrire. Ces pauvres gens receuoient tât de consolation de voir ces belles ceremonies qui se font en ce diuin mystere, qu'il est impossible de dire. Mais, quand ce vint à l'Offertoire de la Messe, on ferma le deuant du pauillon, d'autant que l'Eglise n'admet que les fidelles à ce sacré Mystere. dequoy ils furent marris, pensans qu'on leur faisoit vn affront, mesmes les Catholiques qui estoient peu instruits de ceste separation des Catechumenes, selon quel'Eglise l'ordonne. Tout le temps que nous fusmes logez sous les arbres, ne manquasmes de viures, car les matins vous eussiez veu venir de bons vieillards par troupes avec leurs femmes & enfans, portans de petits paniers tissus de fucilles de palmes remplis de poissons, & autres choses semblables pour la nourriture. En vn lieu proche du fort les Indiens Topinamba abbatirent grand nombre d'arbres pres d'une fontaine, ou ils firent vne grande loge pour nous y loger, & vne autre tout pres d'icelle pour y celebrer le saint sacrifice de la Messe, & seruir de Chapelle, ayant nommé ce lieu, le Conuent saint François.

Toutes ces choses estant ainsi disposées, lon fit entendre aux Indiens, que s'ils vouloient faire alliance

avec les François, & embrasser leur Religion Catholique, Apostolique & Romaine selon que tât de fois ils leur auoient promis, il falloit auant toutes choses, planter & arboiser avec triomphe l'estendart de la sainte Croix, lequel seruit de tesmoignage à vn chacun, du desir qu'ils auoient de receuoir le Christianisme, & d'un perpetuel memorial, & à eux, & à toute leur posterité, de la fin pour laquelle nous prenions possession de leur terre au nom de Iesus-Christ, selon mesme la requeste qu'ils en auoient fait à nostre Roy tres-Chrestien, si que par le moyen, & en la vertu de ce glorieux signe, ils fussent renduz triomphans de tous leurs ennemis, & du dur esclauage du cruel Ieropaty, qui est le diable, & remis en la glorieuse liberté des vrayes enfans de Dieu, apres la regeneration de l'eau du saint Baptisme.

Ce discours leur fut si agreable, qu'ils prindrent resolution de s'assembler le 8. de Septembre, iour de la Natiuité de la tres-sainte & immaculée Vierge Marie.

Auquel iour ils ne manquerent de se trouuer de bon matin avec les François. Et apres auoir celebré le saint sacrifice de la Messe en nostre Chapelle, nous partismes tous de ce lieu allans processionnellement au susdit fort.

En premier lieu marchoit vn Gentilhomme portant l'eau beniste, vn autre le suiuoit qui portoit l'encens, vn autre l'encensoir, apres luy marchoit vn qui tenoit en ses mains vn tresbeau Crucifix, qui nous auoit esté donné par le sieur du manoir, deux ieunes fils Indiens, enfans des principaux portoient deux chandeliers avec les cierges allumez aux deux costez de la Croix, l'vn d'eux estoit appellé Ioüy, qui depuis fut nommé Charles en son Baptisme, fils de Iapy Ouassou, principal de toute l'Isle, l'autre estoit le petit fils de Markoya Pero, l'vn des plus grands dudit lieu, il se nommoit Patoua, & estoit le plus ieune de six que nous auons amené en France, lequel fut nommé Iacques au Baptisme qu'il receut peu auant qu'il mourut. Ces deux ieunes Indiens estoient de mesme aage, & le sieur de Rasilly les auoit fait reuestir de mesmes liurées, s'estant donnez à luy dès nostre arriuée à Maragnan. Nous autres quatre Reli-

gieux, reueſtus de nos ſurplis blancs, ſuiuions la Croix par ordre: Et en apres marchoit le ſieur de Raſilly, Lieutenant general pour leurs Maieſtez, avec toute la Nobleſſe chacun en ſon rang; le reſtes des François che-minant avec les Indiens en pareil eſtat.

Cependant nous commençames à chanter les Letanies de la Vierge Marie, ainſi que nous auions fait plantant la Croix en l'Iflette ſaincte Anne. Eſtans arriués au lieu deſigné pour planter la Croix (laquelle eſtoit fort grande, & toute préparée ſur la place) vn de nous entonna le *Te Deum laudamus*: que l'on continua avec quelque oraiſons. Apres leſquelles l'on fit vne exhortation aux François, de la gloire, de l'honneur, & du mérite qu'ils acqueroient deuant Dieu & deuant le monde, d'eſtre comme les premiers Apoſtres qui auoient ſi glorieuſement arbore ce ſainct bois en cette terre infidelle, & offert à Dieu le Pere ce ſacrifice qui luy eſt tant agreable du tres-precieux corps, & ſang de ſon fils vnique noſtre Sauueur, en l'action que nous auions faiſte de la ſaincte Meſſe, laquelle perſonne n'auoit encore auparauant celebré en celieu.

Si toſt que cete exhortation fut finie, le Sieur des-Vaux fit entendre aux principaux des Indiens, & autres de leur nation qui aſſiſtoient la cauſe de cete action, & le ſuict pourquoy nous plantions cette Croix, leur diſant que c'eſtoit vn teſmoignage de l'alliance qu'ils faiſoient avec Dieu & vne proteſtation ſolemnelle d'embrasser noſtre Religion, renonçant entierement au maudit Ieropary, qui iamaſ ne pourroit ſubſiſter deuant cete ſaincte Croix, lors qu'elle ſeroit benite, & eſtant plantée. Au moyen dequoy ils s'obligeoient, premiere-ment à quitter leur mauuiſe façon de viure, & principalement de ne plus mâger chair humaine, fuſt il de leurs plus grands ennemis. Secondement d'obeir à nos loix & à tout ce que les Pay leurs enſeigneroient, finalement à combattre valeureuſement ſoubs ce glorieux Eſſédart, & pluſtoſt mille fois mourir que ceſte ſaincte Croix fut arrachée de la, apres qu'elle y ſeroit plantée.

Les Indiens furent tellement attentifs à ce diſcours,

qu'ils nous faisoient bien paroistre par le dehors, l'émotion qui leur auoit causée en leur interieur, assurant que volontairement & de leur bon gré ils receuoient & embrassoient tout ce qu'il leur propoioit, attédu mesme que dès long temps ils desiroient cognoistre le Dieu que nous adorons, & d'apprendre comment il le falloit seruir & adorer, protestas que iamais ne manqueroient à la promesse que lors ils faisoient solennellement.

Cela fait la Croix fut beniste avec toutes les ceremonies qui sont portées dans le Pontifical Romain: puis fut adorée de tous. Premièrement de nous quatre, puis après du sieur de Rasilly, des Gentils-gommes, & de tous les François les vns apres les autres. C'estoit chose bien agreable à voir, car chacun procedoit si deuotement à l'adoration d'icelle, & avec vn si bel ordre, que cela estoit capable d'amollir les cœurs les plus durs, durant cette adoration, nous chantions l'Hymne *Vexilla Regis* prodeunt, que nous repetames plusieurs fois iusques au verset, *O Crux aue spes vnica*. Et apres que les François eurent acheué, tous les Indiens l'adorerent aussi les vns apres les autres avec vne reuerence & modestie incomparable.

Les principaux y vindrent les premiers avec vne particuliere deuotion, seruant de bon exemple à tous les autres, ils estoient reuestus de belles casques d'vn bleu Cœleste, sur lesquelles il y auoit des Croix blanches deuant & derriere, que les sieurs Lieutenans generaux leur auoient données pour s'en seruir en ceste action & autres semblables solemnitez. Ils furent aussi tost suivis des vieillards & anciens, & puis tout le reste des Indiens qui y estoient presens. Ils venoient tous par ordre, & sans confusion, les vns apres les autres, les mains iointes, se prosterner les deux genoux en terre deuant ladicte Croix, ainsi qu'ils nous auoient veu faire, l'adorant, & baisant avec autant de reuerence, d'humilité, & de deuotion, que s'ils eussent esté nourris toutes leurs vies au Christianisme. Si qu'en leur exterieur on ne pouoit iuger autre chose qu'un effect de cet esprit Diuin qui preuenoit ces pauures ames sauages, & les disposoit

par l'influence de ses graces à embrasser la vraye Religion. A peine croiriez vous l'abondance des larmes qui couloit de nos yeux pour la ioye que nous auons de voir des venerables vieillards, & de ieunes enfans ainsi prosterner au pied de ceste Croix.

Mais qui pourroit exprimer la ferueur de ce peuple, aydans à nos François à planter ce glorieux Estendart au milieu de leur terre? Vous les voyez tous se mettre en deuoir pour l'esleuer eux mesmes avec vn zele indieible, & courage non pas Payen, mais vrayemēt Chrestien, triomphant ainsi victorieusement de ce cruel, & maudit Ieropary, auquel deslors ils renoncoient publiquement par ceste action heroique & Chrestienne, le depossedant & chassant de son Royaume, & y estaolir le souuerain Monarque du ciel & de la terre Iesus Christ.

Pendant que les Indiens esleuoient & plantoient si courageusement la Croix, nous estions tous prosterner à genouils, chantans O Crux aue spes vnica, & ce qui suit, avec l'oraison à la fin, que l'Eglise chante au iour de l'Exaltation de la sainte Croix.

Je ne pourrois iamais vous faire entendre le contentement que nous ressentions, de ce que nous auons le bon heur de voir de nos propres yeux l'accomplissement des promesses que ce grand Dieu auoit faiçtes, d'esleuer vn signe ès Regions loingtaines, disant luy mesme par son Prophete. Voicy i'esleneray ma main aux Gétils, & exalteray mon signe aux peuples. Mais combien de louanges & actions de graces luy rendions nous, de ce que sa Diuine Maiesté auoit daigné parmy tant de peuples, se seruir de nous pour aller planter ses armes dans l'host de ceux qui insques la auoient esté rebelles à ses saintes loix, & ou iamais personne n'auoit entrepris, (au moins n'estoit venu à bout) de planter & arborer ce signe triomphant, ainsi qu'en ce iour remarquable il fut exalté à l'Isle de Maragnan, au grand contentement de tous.

La Croix estant plantée, comme il est dit, l'Isle fut aussi beniste, pendant que du fort & de nos vaisseaux, on tiroit force canonades en signe de resiouissance.

Le sieur de Rasilly nomma le fort, Le fort de saint Louys, en perpetuelle memoire de Louys tresiesme Roy de France & de Nauarre: & le Haure ou port qui est au pied du fort il l'appella le fort sainte Marie, tant à cause de la Roynes du ciel la sacrée Vierge Marie, la Natiuité de laquelle se celebrait ce iour la, que pour le respect de Marie de Medecis Roynes de France & de Nauarre mere & Regente du Tres-Christien Roy, que la Diuine bonté veuille longuement conferuer.

La Croix estant plantee en ceste terre beniste, au grād contentement de tous, elle commença aussi tost à fructifier comme la Palme, & esandre ses vertus admirables sur ces pauures peuples, faisant voir que Dieu auoit en ce lieu, des ames destinees pour son seruice, sur lesquelles son sang precieux deuoit estre vtilement appliqué. Car depuis qu'eux mesmes se forent mis en deuoir d'arborer la Croix de nostre Sauueur Iesus Christ, ils receurent vne nouvelle force & courage qui les poussoit à desirer le Christianisme, avec plus de zele & de ferueur qu'auparauant, ce grand Dieu faisant ainsi rayonner (par la vertu d'icelle) la splendeur de ses graces, au milieu des tenebres d'infidelité, beaucoup plus abondamment qu'il n'auoit fait. Ce qui estoit assez facile, & aisé à iuger par le notoire & visible sentiment interieur de pieté & deuotion, que ces pauures sauuages faisoient voir en leur exterieur, desirans tous d'auoir vn Pay, ainsi nous appellent ils, en chacun de leurs villages, tant pour y plâter des Croix, estans deuenus amateurs d'elle depuis qu'elle fut esleuee sur leur terre, que pour les instruire aussi, & leur donner le Baptisme, estimât, sous vne generale notice, & cōfuse cognoissance qui s'estoit infuse parmy eux dès nostre abord, qu'il estoit la porte pour entrer au Christianisme, & le seul moyen pour estre faicts enfans de Dieu, & participer au bonheur dōt ils nous estimoient iouyssans.

Ils venoient continuellement par troupes pour nous voir, avec vne grande modestie, soit que nous estiōs en prieres ou en estude, & passoient le temps avec admiration de regarder nos liures & tableaux que nous auions.

Nombre de vieillards regrettoient d'auoir passé leur vie si miserablement, d'autant que à cause de leur âge, ils ne pouuoient auoir l'heur de voir ce que nous deuions faire en leur terre. Les ieunes estoient tous les iours à nos portes pour estre instruis en nostre creance, & estre faits Chrestiens pour nous imiter. Les meres qui n'abandonnent aucunement leurs enfans, si est ce qu'estant fort desireuses de leur aduancement, elles les laissoient en nostre compagnie pour estre faits semblables à nous, quelque vnes d'entre elles voyās nos cheueux coupez en forme de couronne, selon la coustume des Religieux, firēt le semblable à leurs enfans, ce qui nous mit en admiration, & leur ayant demandé pourquoy elles faisoient cela, elles respondirent, pource que vous les portez de mesme, & serons fort ioyeuses que nos enfans soient comme vous. A quoy i'adioustay que i'en estois aussi ioyeux, & que si elles vouloient, que apres les auoir baptisez, nous les enseignerions à lire & escrire, & que les rendrions grands personages, ces paroles les rendirēt si aises qu'elles desiroient auoir des nostres en chacun de leurs villages. Mais quoy, le petit nombre que nous estions ne pouuoit suffir à la demande de ce peuple affectionné, toutesfois nous esperons le faire lors que serons en plus grand nombre: Aussi d'abondant nostre regret fut secondé d'un autre qui nous fut fort sensible; par la mort d'un des nostres, ce neantmoins nostre mission n'a demeuré sterile, car en ce contemple accoucha à Maragnan vne Indienne que nous auions amenee avec son mary de Fernand la Rogne, aussi tost, quelques femmes poussees d'une deuotion nouuelle, s'estans reuestues de linge blanc, apporterent l'enfant à la façon Chrestienne pour receuoir le Baptisme en nostre Chapelle saint François, ou il fut baptizé en la presence de plusieurs Indiens vieillards & autres, qui receurent un grand contentement de voir ces belles ceremonies, & fut le premier qui a esté ainsi solemnellement baptizé. Ce qui augmenta dauantage leur desir d'auoir des nostres par tous leurs villages:

Après ce, nous nous disposasmes pour faire vne visite

par toute l'Isle, & prismes quant & nous les huilles sacrees, surplis blancs, estoles, & autres choses requises pour l'administration des saints Sacremens, & autres affaires. Nous portions nos Crucifix au col par les chemins, & dans les villages nous les mettions au bout de nos bastons. C'estoit chose admirable de voir l'affection que nous portoient ces pauvres sauvages, & la reception qu'ils nous faisoient par tous les villages, & entre autres, en vn village y auoit vne femme qui nous vint prier de luy baptizer son enfant aagé de deux ans, ce que nous luy accordasmes de faire le lendemain, qui estoit Dimanche, auquel iour ils accommoderent au milieu de leur village vne petiteloge, & apres auoir fait l'eau beniste & beny la Chapelle pour seruir d'oratoire & de sepulture quand il en seroit besoin, en y laissant vne Croix pour memoire: & apres auoir chanté le Veni Creator, baptisasmes l'enfant, qui estoit vne fille, & fut nommée Marie, avec vne ioye indicible de tous les assistans Indiens. O que c'estoit chose admirable de voir vn grand nombre de petits enfans qui s'approchoient de nous, nous prians instamment de les instruire & baptizer, disant tout haut, qu'ils vouloient croire en Dieu, & renoncer au diable. Et entre autres, ie raconteray vn cas estrange d'vn ieune enfant d'vn des principaux Indiens. Cet enfant aagé de neuf à dix ans, beau garçon tout à fait, & qui n'auoit encore la leure percee cōme les autres, est d'vn esprit si admirable pour son aage, que i'ay tousiours creu que Dieu le dispoit de loing pour s'en seruir vn iour en quelque chose de plus grand. Ce fut le premier qui à nostre arriuee nous vint caresser, & ne pouuoit s'absenter de nous, tant estoit grande l'affection qu'il nous portoit. Quand nous nous retirions dans les bois selō nostre coultume, pour avec plus de repos & de silence, dire la nostre seruice, il y estoit aussi tost que nous, & lors que nous pensions y estre le plus secretement, & à son desceu, il ne manquoit pourrāt de nous venir trouuer en quelque lieu que nous eussions esté, comme si parauant il en fust aduertty. Lors qu'il nous auoit trouué, il demouroit aupres de

nous avec vn silence & modestie incroiable, sans nous interrompre par aucun propos ou action de legereté, ce qui ne se void gueres aux enfans de cet aage, tant bien nays & ciuilez puissent ils estre. Aussi ne pouuions nous nous empescher d'admirer vn tel enfant, lequel estant sauuage, & d vn si tendre aage, estoit neantmoins d vn esprit si vif, si esueillé, & si bien appris. Il regardoit & contemploit ordinairement toutes nos actions fort attentiuement, taschant de nous imiter en tout ce qu'il pouuoit. lors que nous ioignons les mains, il les ioignoit aussi avec vne grauité non petite, il faisoit le signe de la Croix quand & nous, & beaucoup d autres actes de deuotion. Mais ce qui est de plus remarquable, est qu'il faisoit faire le semblable à tous ceux qu'il amenoit quelquesfois par compagnie avec luy, & estant de retour il enseignoit les autres, disant qu'il leur vouloit monstrer comme il falloit parler à Dieu, qui est leur forme de parler, au lieu de dire prier Dieu. Il auoit vn si grand desir d'apprendre, qu'avec son bel esprit, ou plustost de la grace Diuine, il fut le premier qui sceut, & apprit en moins de rien l'Oraison Dominicale, la salutation Angelique, le Symbole des Apostres, & les Commandemens de Dieu, & de l'Eglise, avec les sept Sacramens, le tout en sa langue Indienne, & comme la grace de Dieu, laquelle ne demeure iamais sterile, s'accroissoit avec l'aage en ce petit enfant, ainsi cet enfant n'estant comme le seruiteur inutile, ne perdoit ny le temps ny les occasions pour faire multiplier les talens que Dieu luy donnoit. Il ne se peut dire combien de plaisir il prenoit à enseigner les autres. De son propre mouuement, si ce n'estoit plustost par vne inspiration diuine, il passoit la plus grande partie du temps, à leur faire dire & repeter souuent ce qu'il auoit appris, le disant mesme avec eux, afin de le mieux inculquer en leur memoire, & d'autant qu'en ce pays là ils n'ont aucun nom ou diction, qui signifie les nombres au dessus de cinq, ce petit enfant voulant enseigner aux autres les dix commandemens de Dieu, ou les sept Sacramens, il auoit bien l'esprit de prendre vn baston en sa main, & avec iceluy,

ou quelquesfois avec son doigt, il faisoit dix marques sur la terre, pour compter les dix cōmandemens, & sept pour les sept Sacremens, afin de faciliter à ses compagnons le moyen de les apprendre, & les retenir plus aisément. C'est ainsi que ce grand Dieu se seruoit de bonne heure de ce petit enfant, attendant qu'il plaise à sa Diuine Maïesté, luy donner des graces plus speciales avec l'aage, pour s'en seruir en des choses plus grandes. Et d'autant qu'à nostre arriuee ce pauvre petit, marchoit encore nud comme les autres, l'vne des premieres choses qu'il fit, c'est qu'il me pria de le faire vestir, disant, qu'il ne vouloit plus estre nud, puis que les Pay estoient vestus. Cela luy fut bien tost accordé, car le sieur de Rasilly, ne respirant rien plus que la conuersion de ces pauvres Sauvages, il n'esparagnoit aucune chose pour les attirer au Christianisme, avec toute la douceur qui se pouuoit desirer, & si tost qu'il recogneust la gentillesse de cest enfant, il le fit incontinent vestir à son grand contentement.

Le iour suiuant le sieur de Rasilly, le Reuerend Pere Arlene & moy, estans assis dessus vn coffre nous commençames la à enseigner publiquement la Doctrine Chrestienne, ce que nous n'auions encore fait ailleurs, & nous seruant du sieur des Vaux, & d'vn autre, bié verbeux en leur langue, pour faciliter dauantage ce que nous iugions estre le plus necessaire, nous donnâmes à entendre ausdits Indiens, qui estoient la en grande multitude, comme nous auions quitté nostre pays, & passé tant de mers perilleuses, non sans grandes incommoditez, pour les venir instruire en la cognoissance du vray Dieu, lequel est le principe de toutes choses, luy seul cōme tres-souuerain, estant du tout independant. Que ce grand Dieu estant vn en essence & nature, est neātmoins trine en personne, à scauoir le Pere, le Fils, & le S. Esprit, que le Pere n'est fait ny créé, ny engendré d'aucun, que de toute eternité, le Fils est engendré seulement du Pere, comme aussi de toute eternité le saint Esprit procede de tous les deux, scauoir du pere & du Fils. Et bien que le Pere soit Dieu, le Fils Dieu, & le S. Esprit Dieu,

toutesfois ils ne sont pas trois Dieux, mais vn seul Dieu.
 C'est ce grand Dieu que vous appelez Toupau, sans le
 cognoistre, & nous sommes venus vous l'annencer.
 C'est luy lequel est tout puissant, & qui au commence-
 ment crea le Ciel & la terre, avec toutes les choses qui
 sont en iceux. Au Ciel il crea les Anges, plusieurs des-
 quels l'ayant offensé, il les chassa hors d'iceluy & les
 precipita en Enfer, ou ils sont, & seront eternellement
 bruslez dedans vn feu, & ce sont ces mauuais Anges là,
 que vous appelez Ieropary. En la terre il crea l'hom-
 me d'vn peu de bouë, à son image & semblance, & le
 mit en vn beau lieu de delices, ou s'estant endormy, il
 prist vn de ses costes, & d'icelle il en fit vne femme, qui
 a esté la premiere mere, ainsi que cet homme la a esté le
 premier pere de tous les hommes viuans qui ont esté,
 sont, & seront iamais. Estans tous deux dans ce beau,
 Paradis & iardin de plaisir, Dieu leur permist de manger
 de tous les fructs des arbres qu'il y auoit creéz, vn seul
 excepté, leur deffendant de n'en point manger, & qu'ils
 mourroient à la mesme heure s'ils en mangeoient. Ce
 qui arriua tost apres, car venans tous deux à en mâger,
 par la persuation de Ieropary, qui est vn de ces mauuais
 Anges, contre l'expresse deffence de leur Dieu, ils furent
 chassez de ce Paradis de volupté, forclos du Ciel, & su-
 iets à la mort, avec tous leurs descendans. Et voyla la
 cause de nostre malheur, & que nous mourrons tous
 les iours. Que depuis ce malheur, les pechez des hom-
 mes allans tousiours en augmentant, Dieu vïa de mis-
 ericorde, & enuoya son Fils, seconde personne de la tres-
 sainte Trinité, ça bas en terre se reuestir de nostre hu-
 manité, & se faire homme comme nous, leur discourant
 du mystere del'Incarnation. Nous leur donnâmes à
 entendre comme Dieu le Pere auoit choisi la bienheu-
 reuse Vierge Marie pour estre Mere de son Fils vnique,
 comme il enuoya l'Ange gabriel vers elle, pour luy an-
 noncer ces nouuelles tant desirées de tout le monde: cō-
 me il la salua, & qu'apres auoir donné son consentement,
 sans aucune cognoissance d'homme, elle conceut le Fils
 de Dieu par la seule operation du saint Esprit. **Que**

D

l'ayant porté neuf mois dans son ventre sacré, elle enfanta dans vne estable, demeurant tousiours Vierge deuant son enfantement, Vierge en son enfantement, & Vierge apres son enfantement. Qu'estant nay il fut adoré des Pasteurs qui furent aduertis de sa naissance, par les Anges du Ciel, & des trois Roys qui furent conduits dans l'estable ou il estoit, par vne Estoille tres-belle & toute nouuelle. Dauantage, nous leur deduismes tous les principaux miracles que nostre Sauueur Iesus Christ auoit faict en ce monde iusques à sa mort, aussi les mysteres de sa Passion, Resurrection, Ascension, & missiō du saint Esprit, qui est la troisieme personne de la tres-saincte Trinité, sur les Apostres, lesquels estoient les vrais Pay, descendant sur eux en forme de lāgues de feu leur commandant d'aller prescher par tout le monde, & annoncer que Iesus Christ Fils de Dieu estoit mort, & resuscité pour nous, baptisans tous ceux qui vouldroient croire en luy. Et que celuy mesme qui auoit enuoyé les sūldits Apostres, nous enuoyoit aussi par ses Lieutenans qu'il auoit laissez en terre, cōme leurs vrais successeurs pour les venir trouuer, & voir si à ce coup ils nous vouldroient croire, & escouter la parole par nostre bouche afin de les baptizer, & donner la remission de leurs pechez, & les rendre tous vrais enfans de Dieu.

Si tost que ce peuple, qui iusques alors auoit escouté ce discours l'espace de deux grandes heures & demie, avec vn silence & attention incroyable) eut entendu ces dernieres parolles des effets du saint Esprit, incontinent chacun se leua de sa place remply de zele & ferueur comme si le mesme saint Esprit les eust enyuré de ses saintes graces, & embrasé leurs cœurs du feu de son amour. O quelle ioye? ô quel contentement? Vous les voyez tous esleuer leurs mains au Ciel avec vne grandissime liesse, & vne allegresse nōpareille, criant à haute voix en leur langage, Je croy en Dieu mon Pere. Je croy en Dieu mon Pere.

Il y auoit vn beau puissant ieune homme aagé de 22 ans, lequel s'estoit leué le premier avec son frere, aagé de quinze ans, & vn autre petit, Et ainsi que nous de-

meurions tous estonnez de ceste nouuelle & inaccoustumee ferueur, voila le ieune homme, suiuy des autres, qui accourt à nous, & nous embrassant tendrement, ses yeux estans tous baignez de larmes, il se mit à crier, Ah Prophete, ie croy en Dieu mon pere. Je croy en Dieu le pere, Je croy en Dieu le Fils, Je croy en Dieu le saint Esprit, baptisez moy mon pere, baptisez moy mon pere.

Tous les autres se mirent à crier de mesme, & n'entendions autre chose sinon, Je croy en Dieu, mon pere, baptisez moy, baptisez moy. Nous estions si estonnez d'entendre ces nouveaux discours, que nous ne pouuions que respondre à ces pauvres creatures, pour la grand ioye qui nous auoit saisi le cœur, & nous faisoit tomber des larmes des yeux, n'ayans iamais ouy parler de choses semblables: ô quelle ioye? ô quelle iubilacion.

Pour mon regard ie diray (comme i'ay tousiours dit du depuis) que ie n'ay veu en iour de ma vie, vn obiect plus capable de me tirer les larmes des yeux de ioye, & de contentement, que l'indicible sentiment de pieté & de deuotion que ces pauvres Indiens nous faisoient voir dedans leur cœur, par leur maintien & actions exterieures. Les vns nous embrassoient, les autres leuant les mains au Ciel, demandoient le baptisme, les autres confessoient tout haut qu'ils croyoient en vn Dieu, n'ayant pas vn seul d'entr'eux, qui ne fust porté à quelque action aussi admirable, que deuote. Il me souuint à l'instant de ce qui se passa avec le Prince des Apostres, lors qu'il fut prescher en Cesaree, par le commandement de Dieu, pour instruire le Centenier. Car l'Escripture dict, que saint pierre, annonçant à ce peuple vn Dieu, & vn Iesus-Christ crucifié & resuscité pour l'amour de nous qu'aussi tost le saint Esprit descendit sur tous ceux qui escoutoient sa parole, & commencerent au mesme tēps à parler diuerles langues, loüans & glorifiant Dieu. Ainsi ce grand Dieu, ayant en agreable de nous commander par nos superieurs, d'aller prescher la Foy Catholique, Apostolique & Romaine, parmi les Cannibales, & Antropophages, Au mesme instant que nous leur faisions entendre publiquement pour la premiere fois, qu'il y auoit vn dieu Createur du Ciel & de la ter-

re, lequel auoit enuoyé en ce monde, son fils vnique Iesus Christ, avec les autres articles de nostre Foy, le S. Esprit descendant sur ceux qui nous escoutoient, les fit parler nouveau langage, & magnifier extraordinairement le nom de sa Diuine Majesté. Comment ces pauvres Cannibales & Antropophages, qui depuis tant de centaines d'annees ne respiroient que la chair & le sang le meurtre & le carnage, se rassasians de la propre chair de leurs ennemis, pouuoient ils confesser publiquement & tout haut vn Dieu, trine en personne, & vnique en essence, si le saint Esprit ne fust descendu dans leurs ames, illuminant leurs entendemens, & enflammât leurs volontez du feu de son amour, pour les pousser à demander ainsi tout haut le Baptisme, comme la porte du salut eternal qu'ils desiroient si ardamment. A vostre aduis, n'estce pas la parler vn bien nouveau langage? Ouy, il faut confesser ingenuement, veu de si admirables effectz, que, Le saint Esprit a vraiment espanché ses saintes graces en abondance, dessus ces nations Sauvages, fauorisant de sa diuine presence, les saintes parolles que nous leur annoncions.

Poursuiuans nostre visite tant à Iuniparan, Carnaupio, qu'autres villages circonuoisins, vous fussiez esté ravis d'extreme admiration de voir tous ces sauuages venir au deuant de nous, & nous embrasser, en aucuns desquels villages fismes planter des Croix avec les memes ceremonies susdites, puis ces pauvres sauuages les adoroient d'une ferueur indicible comme nous, & les embrassoient, puis nous faisoient des loges pour seruir de Chapelle pour y celebrer la sainte Messe, & y baptiser, comme tout à l'instant on nous apporta deux enfans pour les baptiser, vn fils & vne fille, aagez enuiron de deux à trois ans, ce que nous promismes faire le iour suivant. De grand matin donc, apres auoir fait l'eau beniste, & benit le lieu, le principal & les habitans de ce village estans presens, nous baptisâmes les deux enfans susdits, le fils fut appellé François, en l'honneur de nostre Pere saint François, & la fille fut nommee Louyse au grand contentement de leurs meres, & de tous les In-

diens de ce lieu, qui estoient ravis en admiration, voyant les belles ceremonies, que nous faisons en conferant ce saint Sacrement. Le principal du village, qui estoit la present, aagé environ de cent ans, nous dit, Je vois bien que c'est vne belle chose que d'estre baptisé, & fait enfant de Dieu, ie desire extremement del estre, & voudrois que tu m'eusses baptisé. Nous luy fismes responce que nous le desirions bien aussi, mais qu'il falloit, qu'il fut premierement instruit en la cognoissance de Dieu.

A cela il nous respondit, s'il faut croire en Dieu, & le cognoistre auant que d'estre baptisé, Dieu ne peut il pas descendre tout maintenant en mon cœur, & se donner à cognoistre à moy, à ce que croiant en luy tu me baptises. Discours à la verité non pas d'un Sauvage, & Payen, mais d'une ame qui sembloit estre preuenue des graces du saint Esprit. Ce discours nous estonna merueilleusement, n'y ayant personne deuant luy qui nous eust usé de tels propos. Nous luy fismes responce, que Dieu peut faire tout ce qu'il luy plaist, & tout ce qu'il veut estre fait, que neantmoins il y auoit beaucoup de choses, qu'ordinairement il ne faisoit pas par soy mesme, ains se seruoit des hommes, qui sont ses seruiteurs, pour l'execution de ses saintes volontez, ainsi comme il auoit agreable de se seruir de nous, nous ayant enuoyez en leur pays, afin de les baptiser, ce que nous ferions tres-volontiers quand ils seroient bien instruits. Cet homme fut satisfait de nostre responce, & ne fut baptisé pour lors. Nous fismes aussi pareil refus à plusieurs vieillards & gens mariez de les baptiser, iusques à ce qu'ils fussent instruits aux articles & mysteres de nostre Foy, & en attendant nous baptisions les ieunes gés & enfans.

A nostre retour à Iuniparan, on nous presenta nombre d'enfans pour baptiser, & entre autres quatre enfans du principal del'Isle: Ce que voyant le sieur de Rasilly, qui n'affectionnoit rien tant que le salut de ces pauvres Indiens sauages, & la conuersion d'iceux, voulut leur seruir de pere & de parrain, avec le sieur de Launay son frere & autres François qui estoient la venuz. M'estant

reuestu d'une Aube, & d'une Estolle, & le Reuerend p.
Arsene d'un surplis, apres auoir fait l'eauë beniste, beny
la Chapelle, inuoqué la grace du saint Esprit, & l'ayde
de la bienheureuse Vierge Marie, & de nostre Seraphi-
que Pere saint François, nous commencasmes à bap-
tiser. Et pour faire honneur à Iapi Ouassou, comme au
plus grand Bourouichaue de l'Isle, nous baptisasmes
premierement les quatre enfans l'un apres l'autre, com-
mençans par l'aîné qui s'appelloit Toucan Ouassou.
Il fut nommé Louys par le sieur de Rasily, en memoire
de nostre Roy Tres-Chrestien Louys tresiesme.


Nous faisons les exorcismes hors la Chapelle, com-
me il est porté dans le Manuel Romain du Concile de
Trente, & puis le prenant par la main, nous l'introdui-
mes dedans l'Eglise, disans, Ludouice, intra in conspe-
ctum Domini per manum Sacerdotis, vt habeas vitam
æternam. Et estant entré, se prosternant en terre. les deux
mains iointes, a dit tout haut le Pater noster, l'Aue Ma-
ria & le Credo, en leur langue, & puis i'acheuay de le
baptiser, obseruant le reste des ceremonies de point en
point. C'estoit merueille de voir ce venerable vieillard
leur pere, assis au bas de l'autel avec sa grauité regarder
attentiuelement tout ce qui ce passoit au baptesme de ses
enfans, si que de ioye il versoit de ses yeux vn ruisseau de
pleurs, & quand apres les exorcismes nous les prenions
par la main, les faisons entrer en la Chapelle, & la, se
prosternans à genoux les mains iointes disoient tout
haut avec grande ferueur le Pater noster, l'Aue Maria,
& le Credo, & renoncoient publiquement au diable &
à toutes ses œuvres, qu'ils recenoient avec grande de-
uotion les huilles saintes, l'eauë beniste, & le saint
Cresme, qu'ils demandoient le baptesme à la face de
tous. Apres les quatre susdits nous en baptisasmes enco-
res six autres: & puis celebrasmes le mariage de Sebastie
(duquel nous nous seruions pour truchement) avec la
fille aînée du principal de l'Isle, laquelle estoit des-
mieux instruite en nostre Foy. Apres le mariage, ie cō-
mençay la Messe, ou assisterent les nouueaux mariez, &
les nouueaux baptisez, & nombre de François. Les nou-

neaux mariez qui n'ignoroient rien de ce qui estoit de leur deuoir, receurent la sacree Communion apres la sainte Messe, à l'edification de tous les assistans.

Ce grand Dieu ne desirant nō plus espargner les traits extraordinaires de son infinie bonté enuers ce peuple, qu'il a fait à tant d'autres, lors qu'il leur fit annoncer la cognoissance de son saint nom, permit au tēps que ces choses se passoient, l'vn des nostres estant à Iuniparan, rencontra la vn enfant, aagé enuiron de quatre ans, lequel estoit aux abbois & extremité de sa vie, ayant du tout perdu la parole, par vne longue & griefue maladie, tant que sa mere le pleuroit amèrement, & le tenoit cōme mort. Il luy demanda si pour sauuer l'ame de sō enfant, elle desiroit qu'il fut Baptisé. A quoy elle fit respōce qu'ouy, & qu'elle l'en supplioit tres-affectionnement. Aussi tost il donna le saint Baptesme audit enfant, qui à l'instant receut la parolle, avec vne si parfaicte santé, qu'il ne se porta iamais mieux, ce qui estonna grandement ce peuple, aussi bien que les François qui s'y trouuerent, & leur augmenta infiniment le desir d'estre baptisez. Ce sont les effects des Sacremens, lesquels ont le pouuoir, rendant la vie à l'ame, de donner aussi quand il plaist à Dieu, la santé au corps. Ainsi lisons nous que Constantin, fut miraculeusement guari de sa lepre corporelle qu'il auoit au corps, aussi bien que de la lepre spirituelle qu'il auoit en l'ame, par le moien du Saint Sacrement de Baptesme qu'il receut:

Ce sont des coups extraordinaires de la main puisante de ce grand Dieu, qui seul a le pouuoir de produire semblables effects quand il luy plaist, c'est à luy seul aussi qu'il en faut donner l'honneur, & attribuer la gloire.

Loüange à Dieu, & à la sacree Vierge Marie.




APPROBATION.

MOy F. Leonard de Paris, Predicateur
Capucin, Premier Deffiniteur & Gar-
dien de Paris, Certifie auoir leu le present Di-
scours de la Missiõ des Peres Capucins en l' Isle
de Maragnan & terres circonuoisines, dans
lequel n'y ay rien trouuë contraire à la Foy Ca-
tholique, Apostolique & Romaine, tesmoing
mon signe mis le xxij. de Ianuier mil six cents
quatorze.

F. LEONARD.

Vidit Ad. de Gauley, Inf. Lib. Censor.

June 4, 1920



Uchr

EA614

C615f

